



Pranuar / Dorezuar Punëdhënësi/Prodator Received/Delivered	10 - 10	2022	2	viti god year
Organ / Njesia Org / Jedinica Org / Unit	Nr Prot Br Prot Prot No	Shtojca Prilog Appendix	Sasia Kolicina Quantity	
SKIMSHICK	5991/2022		1/4	



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.737/2022

Këshilli i Pavarur Mbikëqyrës për Shërbimin Civil të Kosovës – Kolegji për shqyrtimin e ankesave i përbërë nga; Eshref Shabani kryetar, Ardita Haxhnikaj Demi, dhe Jeton Koca, anëtar, si dhe Rushit Kajtazi, Zyrtar i Lartë për Bashkëpunim Profesional, në cilësinë e procesmbajtësit për shqyrtimin e ankesës me numër A. Nr. 737/2022, të datës 25.08.2022, së ankesit me adrese banimi

kundër organit të punësimit Agjencia e Punësimit e Republikës së Kosovës, në çështjen juridike “kontestim konkursi”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, nenin 47, 48 paragrafi 1 dhe neni 132 paragrafi 2 të Ligjit Nr.05/L-031 për Procedurën e Përgjithshme Administrativ dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 10.10.2022, mori këtë.

V E N D I M

I. REFUZOHET si e pabazuar ankesa me numër A. Nr. 737/2022 e datës 25.08.2022, e parashtruar nga ankuesi

II. Mbetet NË FUQI, Vendimi i datës 19.08.2022, me numër protokoll 416, i Divizionit për Burime Njerëzore në Agjencinë e Punësimit në Republikën e Kosovës.

A r s y e t i m

Ankuesi sipas shkresave të lëndës i punësuar në kuadër të Agjencisë së Punësimit të Republikës së Kosovës, me datë 25.08.2022 ka parashtruar ankesë në Këshillin e Pavarur Mbikëqyrës për Shërbimin Civil të Kosovës, kundër Vendimit të datës 16.08.2022

të Njesisë së Burimeve Njerëzore, me pretendimet ankimore se i është mohuar e drejta për avancim në karrierë, respektivisht zhvillimi i procedurës së rekrutimit për pozitën "Udhëheqës i Zyrës së Punësimit në Pejë", nga Agjencia e Punësimit në Republikën e Kosovës është bërë në kundërshtimi me ligjin.

Këshilli i Pavarur Mbikëqyrës për Shërbimin Civil të Kosovës (me tej KPMSHCK) bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datë 05.09.2022 ka proceduar kërkesën për përgjigje në ankese të Agjencia e Punësimit në Republikën e Kosovës, Ndërsa me datë 13.09.2022, KPMSHCK-ja ka pranuar përgjigjen në ankese se bashku me shkresat lidhur me çështjen në procedurë.

Kolegji për Shqyrtimin dhe Vendosjen e Ankesave, për vendosje meritore, ka administruar këto prova: Ankesën A nr. 737/2022, e datës 25.08.2022, drejtuar Këshillit të Pavarur Mbikëqyrës për Shërbimin Civil të Kosovës; Vendimi i datës 16.08.2022; Vendimi i datës 15.08.2022, i Z.v Udhëheqësit të Divizionit për Burime Njerëzore; Akt Emërimi i datës 18.01.2018; Vërtetim i datës 01.12.2017; Diplomë e datës 03.05.2019; Diplomë e datës 03.05.2012; Vërtetim i datës 10.12.2003; Vërtetim i datës 01.11.2003; Formulari për vlerësimin e rezolutave të punës, për vitin 2019; Njoftimi i datës 23.08.2022, i Z.v Udhëheqësit të Divizionit për Burime Njerëzore; Njoftimi i datës 15.08.2022, i Z.v Udhëheqësit të Divizionit për Burime Njerëzore; Aplikacioni i Vendimi i datës 17.08.2022; Aplikacioni i Vendimi i datës 17.08.2022, me numër protokolli 412; Aplikacioni i Ankesë e datës 16.08.2022, drejtuar Burimeve Njerëzore; Përgjigje në Ankese e datës 13.09.2022, me numër protokolli 5372/2022.

Kolegji për shqyrtimin dhe vendosjen e ankesave, për vendosjen e kësaj çështje, pasi ka shqyrtuar të gjitha shkresat e bashkangjitura të lëndës, ka konstatuar se ankesa e ankuesit është e pa bazuar sepse:

Kolegji për Shqyrtimin dhe Vendosjen e Ankesave bazuar në shkresat e lëndës, gjegjësisht sipas Akt Emërimit të datës më numër:42, të datës 28.12.2017 ka konstatuar se ankuesi ka mban pozitën e punës "Zyrtar për Shërbime të Punësimit" dhe i njëjti sipas shkresave të lëndës është konstatuar se ka aplikuar në konkursin e shpallur me numër referencë RN00009252 për pozitën "Udhëheqës i Zyrës së Punësimit në Pejë" për lëvizje brenda kategorisë.

Po ashtu, Kolegji i Këshillit nga shkresat e administruara të lëndës konstaton se në konkursin e shpallur 07.07.2022 nga Agjencia e Punësimit e Republikës së Kosovës për pozitën "Udhëheqës i Zyrës së Punësimit në Pejë", kriteret formale të konkursit kanë qenë:

- *Diplome Universitare nga fusha e shkencave Ekonomike, Juridike dhe Sociale, me të paktën 240, kredi/ECTS-së apo ekuivalente me to.*
- *Se paku pesë (5) vite përvojë pune profesionale*

Kolegji për Shqyrtimin dhe Vendosjen e Ankesave, lidhur me pretendimet ankimore të ankuesit ka analizuar dispozitat e nenit 38 paragrafi 1 të Ligjit Nr.06/L-114 për Zyrtarët Publikë ku përcaktohet se: "Plotësimi i pozitave të lira në kategorinë profesionale, të ulët dhe të

mesme drejtuese, bëhet së pari nga nëpunësit civilë të së njëjtës kategori, nëpërmjet procedurës së lëvizjes brenda kategorisë”, si dhe nenit 40 paragrafi 3 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës ku përcaktohet se: “Konkurrimi për lëvizjen brenda kategorisë është e mbyllur dhe në të kanë të drejtë të marrin pjesë vetëm nëpunësit civil ekzistues të së njëjtës kategori të punësuar në të njëjtin apo në një tjetër institucion të shërbimit civil” ndërsa sipas konkursit të shpallur me datë 07.07.2022 me numër Reference RN00009252 për titullin e pozitës së punës “Udhëheqës i Zyrës së Punësimit në Pejë” klasa e pozitës “Drejtues i Ulët 2”, andaj mbi këtë bazë Kolegji i Këshillit konstaton se në këtë procedurë të konkurrimit e cila ka qenë e tipit të mbyllur, kanë të drejtë të marrin pjesë vetëm nëpunësit civil ekzistues të së njëjtës kategori, gjegjësisht të konfirmuar në detyrë në kuadër të Kategorisë Drejtues i Ulët, qoftë brenda institucionit apo institucioni tjetër në kuadër të Shërbimit Civil.

Kolegji i Këshillit thekson faktin se dispozitat e ligjit material i kanë përcaktuar dhe rregulluar klasat dhe kategoritë e pozitave të punës në kuadër të Shërbimit Civil, respektivisht neni 33 paragrafi 2 i Ligjit Nr.06/L-114 për Zyrtarët Publikë ka përcaktuar se: *“Pozitat në Shërbimin Civil ndahen në këto kategori: 2.1. Kategoria e lartë drejtuese, që përfshin këto pozita: sekretar i përgjithshëm, drejtor ekzekutiv dhe zëvendësdrejtor i një agjencie ekzekutive, si dhe pozitat e baraslershme; 2.2. Kategoria e mesme drejtuese, që përfshin këto pozita: drejtor i departamentit dhe pozitat e baraslershme me të; 2.3. Kategoria e Ulët Drejtuese, që përfshin këto pozita: shefi i divizionit dhe pozitat e baraslershme me të; dhe 2.4. Kategoria profesionale, që përfshin zyrtarët profesionalë”, ndërsa në kuptim të nenit 13 të Rregullores Nr.26/2020 për Klasifikimin e Vendeve të Punës në Shërbimin Civil, pozita të cilën e mban aktualisht ankuesi “Zyrtar për Shërbime të Punësimit” hynë në Kategorinë Profesionale, ndërsa pozita për të cilën është hapur konkursi për lëvizje brenda kategorisë “Udhëheqës i Zyrës së Punësimit në Pejë”, hyn në Kategorinë e Ulët Drejtuese (klasa Drejtues i Ulët 2).*

Po ashtu, duke ju referuar Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës ka specifikuar kushtet dhe kërkesat e veçanta, për lëvizjen brenda kategorisë, përkatësisht me nenin 41 paragrafi 1 dhe 2 nën paragrafi 2.1 dhe 2.2 të kësaj rregullore përcaktohet se: *“1.Për të aplikuar për lëvizjen brenda kategorisë, duhet të plotësohen së bashku, kushtet për lëvizjen brenda kategorisë dhe kërkesat e veçanta për pozitën e lirë për të cilën zhvillohet procedura e konkurrimit. 2 Kushtet që duhet ti plotësojë kandidati për procedurë të lëvizjes brenda kategorisë janë: 2.1. të jetë nëpunës civilë i të njëjtës kategori për të cilën aplikon: 2.2. të jetë nëpunës civil i konfirmuar në detyrë në rastin e lëvizjes brenda kategorisë profesionale”, Kolegji i Këshillit konstaton se ankuesi me rastin e aplikimit për pozitën “Udhëheqës i Zyrës së Punësimit në Pejë” nuk i ka plotësuar parakushtet ligjore të përcaktuara me dispozitat e nenit 38 paragrafi 1 të Ligjit Nr.06/L-114 për Zyrtarët Publikë ngase i njëjti nuk ka qenë i konfirmuar në detyrë në kuadër të Kategorisë së Ulët Drejtuese, dhe se lëvizja brenda kategorisë ka qenë e hapur vetëm për lëvizje brenda saj në kuadër të shërbimit civil siç përcaktohet edhe me nenin 40 paragrafi 3 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, pasi që ankuesi në momentin e aplikimit ka qenë i konfirmuar në detyrë në Kategorinë Profesionale, respektivisht vendimmarrja e njësisë përgjegjëse për ta refuzuar aplikacionin e ankuesit në fazë e verifikimit paraprak është e ligjshme në kuptim të nenit 45 paragrafi 2, nën paragrafi*



2.1 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës , ndërsa pretendimet ankimore të ankuesit janë të bazuar.

Kolegji për shqyrtimin dhe vendosjen e ankesave, konstaton se Vendimi me numër:411 i datës 15.08.2022 i Udhëheqëses të Njesisë së Burimeve Njerëzore në Agjencinë e Punësimit të Republikës së Kosovës, lidhur me refuzimin e aplikacionit të ankuesit, si dhe nxjerrjen e Vendimit me A.nr.prot.1036 të datës 16.08.2022 nga Udhëheqësja e Njesisë së Burimeve Njerëzore të Ministrisë së Drejtësisë, është vepruar në pajtim me nenin 33, nenin 38 të Ligjit Nr. 06/LL-114 për Zyrarët Publikë, nenin 40 dhe nenin 41 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, dhe po ashtu ky vendim përmban elementet e aktit administrativ, si dhe arsyetimi i tij është në pajtim me nenin 47 dhe nenin 48 të Ligjit Nr. 05/L-031 për Procedurën e Përgjithshme Administrative, pasi që kanë vërtetuar gjendjen faktike dhe bazën juridike ngase pretendimet ankimore të ankuesit janë të pabazuara në dispozitat e ligjit material dhe akteve nënligjore që rrjedhin prej tij.

Andaj, pas analizimit dhe vlerësimit të të gjitha shkresave të lëndës si dhe duke u bazuar nenin 18 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, si dhe neni 132 paragrafi 2 të Ligjit Nr.05/L-031 për Procedurën e Përgjithshme Administrative, Kolegji vendosi si në dispozitiv të këtij Vendimi.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/ Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi

KËSHILLI I PAVARUR MBIKËQYRËS PËR SHËRBYMIN CIVIL TË KOSOVËS

Lënda me numër A.nr.737/2022

Rushit KAJTAZI

Procesmbajtës

Eshref SHABANI

Kryetar i Kolegjit

Vendimi i dërgohet:

- Ankuesit
- Drejtorit të Përgjithshëm të Agjencisë së Punësimit në Republikën e Kosovës;
- Udhëheqësit të Burimeve Njerëzore në Agjencinë e Punësimit në Republikën e Kosovës, dhe
- Arkivit të KPMSHCK-së.